



STANISLAO

PRIMO

*POLONIARUM REGI,  
LOTHARINGIÆ ET BARRI DUCI,  
POPULORUM PATRI OPTIMO,*

MEDICINÆ PROTECTORI MUNIFICENTISSIMO,  
REGII PLANTARUM MEDICINALIUM

HORTI

IN URBE NANCEIANA  
RECENS FUNDATORI,  
ÆGROTANTIUM PAUPERUM IN GRATIAM  
CONSILIORUM MEDICORUM INSTITUTORI,



IN ÆTERNUM  
REVERENTIÆ ET OBSEQUII  
MONUMENTUM.

DICAT, VOVET, CONSECRAT

STANISLAVO

PRIMO

POLONIARUM REGI,

BOHÆMIÆ ET MORAVIÆ

POTENTIORI TUTTI OPTIMO,

REVERENDISSIMO PATRI

ET

HOI

*Humillimus & obsequentiſſimus Servus & ſubditus,*

JOSEPHUS LALLEMANT,

è Salubri Regis Conſilio, nec-non Col-  
legii Regii Nanceiani Socius Honorarius,  
Actus Præſes.



# QUÆSTIO

## MEDICO-CHIRURGICA.

*Quodlibetariis disputationibus, manè discutienda, in  
Scholis Medicorum, die Martis vigesimo-nono  
mensis Aprilis, Anno Domini MDCCLX.*

PRÆSIDE

M. JOSEPHO LALLEMANT Equite,  
è Salubri STANISLAI Primi, Polo-  
niarum Regis, Consilio, Collegii Regii Me-  
dicorum Nanceianorum Socio honorario, in  
Facultate Medicâ Parisiensi Chirurgiæ olim  
Professore designato, Doctore Medico.

*An, ubi Partus difficilis ac desperatus, tentanda, etiam  
in matre vivâ, Sectio uteri Cæsarea?*

I

CONCIPERE, Gestare, Parere tria sunt fœ-  
minæ à naturâ necessariò imposita. Conceptus facilis,  
Gestatio operosa, Partus dolorum & alæ plenus.  
Inter multiplices Partuum species, unus præ cæteris  
crudeli apparatu formidandus Partus Cæsareus, à

A ij

cæso Parturientis utero sic appellatus. (a) Vulgò definitur, Operatio illa quâ fœtui nullâ omninò arte per vulvâ extrahendo, cæso matris utero, præbatur exitus. Antiquis olim in matre vivâ, ut conjicere est, intentatus, audaci recentiorum debetur solertia. Nec ab ipsis etiam huic unanimi voce acclamatum est; laudibus cum alii, alii probris exceperunt. Nos verò utrorumque ritè pensitatis rationum momentis, litem juvat uno argumento componere.

Quidquid in desperatis morborum angustiis Medicina tentat, illud possibile sit & necessarium satis est. Hæc duo verè sunt circumscripti nostræ omnium audaciæ fines, quos ultrâ vel citrà nequit rectum consistere. His olim accuratè prævisis, priores Medici, nihil sibi arduum esse meritò confisi, ac iisdem auspiciis per scabrosas & nulli calcatas umquàm, sed permeabiles vias, ad ægrorum utilitatem viriliter molientes, Chirurgiam opimâ illâ ditaverunt Operationum copiâ, quæ toties morienti salutem, Operanti laudem, Artique nostræ nomen immortale conciliârunt. Sic primo aspectu immanem, ac eventu tantummodò confirmatam, evellendæ ani Fistulæ methodum docuerunt; sic calculum ex incisâ vesicâ extrahere aggressi sunt, idque felicissimo cum successu: sic tandem illud omne, etsi inauditum, audacter tentavère quod fieri posse spondebat sedula rei naturæ inquisitio, & aliundè necessariò postula-

(a) *Auspiciatus* (inquit Plinius, H. Ist. Nat. L. 7. C. 9.) *enclitâ parente gignuntur*; sicut Scipio Africanus prior natus; primusque Cæsarum à cæso matris utero dictus. Hæc ultima verba magnam inter Authores moverunt discor-

diam. Hæc alii de Scipione, alii de Julio Cæsare volunt esse intelligenda. Quidquid sit, cum ea questio parum ad Thesim nostram faciat, illorum me disputationi nolim immiscere.

5

bant summæ morbi angustia; sic etiam nos, illorum  
authoritate ac exemplis freti, statuimus admitten-  
dam esse Sectionem uteri Cæsaream, etiamsi pluri-  
morum obrectationibus notatam, eo tantum nomi-  
ne quod sit reverà possibilis, & quandoquè necessa-  
ria: quodquidem utrumque ratione & experientiâ  
comprobandum.

I I.

**T**RIA sunt in Partu Cæsareo *incidenda*: Mus-  
culi Epigastrici, Peritonæum, ac tandem ipse Uterus;  
adeoque si quid illius possibilitatem infirmaret, certè  
vel insignis in hisce partibus sectionis amplitudo;  
vel hæmorrhagia necessariò indè oriunda.

Verùm I<sup>o</sup>. quoad sectionem, ea est longè brevior  
quàm potest ex inspectu judicari. Sedulò enim anno-  
tandum mulieris parturientis abdomen gravidæ uteri  
tumore in omnem sensum *ultrà* modum dilatari,  
illudque erupto fœtu, subitò fieri infinitè se ipso  
minus; proindeque & dictam sectionem eadem de-  
bere proportionè decrescere quâ ipsum decrevit  
abdomen: eamque, si intrà operationem sex polli-  
cum v. g. longitudinem obtinebat, post extractum  
Cæsarem, revocatis mox in se partibus sectis, vix  
futuram esse quatuor transversos digitos longam.  
Numquid ergo insanabile aut inauditum quid abdo-  
minis tale vulnus? Hæccine Celsus (a) & Ægineta  
(b) cum in reducendo captivo intestino amplian-

(a) Si angustius vulnus est quàm  
intestina commodè refundantur, in-  
cidendum est donec satis pareat. A.  
C. Celsus Lib. 7. Cap. 16.

(b) Si igitur parvum fuerit vulnus,  
ut prolapsum intestinum inflatum  
non amplius reprimi possit, necesse  
est aut statim evacuari, aut vulnus

dam volunt epigastrii plagam ? Quod autem de Musculis Epigastricis asserimus, idem de Peritonæo intelligendum, idem de Utero : imò uterus, utpotè peculiari ac validiori virtute contractili donatus, citius adhuc prædictis partibus confringitur, fibræque illius ad decurtationem spontè innixæ cò brevitate deveniunt, ut secundâ à partu horâ, (c) is pugni molem vix æmuletur, adeoque vulnus huic inflictum levissimi jam sit momenti. Non itaque adeo pertimescenda Uteri, modica quidem, incisio, cùm præterea totum ipsum uterum (d) salvâ muliere rescari & avelli posse autoritate & experienciâ confirmetur.

IIº Uterus, ut aiunt adversarii, reticulari vasorum ubique perreptantium compage instructus, per gestationis ac puerperii tempus imprimis multo sanguine ad fœtus nutritionem admodum turgidus, nullam sui pati potest sectionem quin larga statim oriatur hæmorrhagia. Esto. At verò nonne stupenda illa, quam exitiosam tam iniquè conclamitas, sanguinis emissio naturæ legibus consentanea est; imò puerperæ necessaria ? Nonne eadem fere quantitate cruor, etiam in partu naturali, è vasis à secundinarum avulsione laceratis effluit ? Nonne tandem luctuosas mille Tragedias quotidie movet sanguinis illius post fœtum expulsum superflui retentio ? Nec forte dixerint

majus efficere. .... si verò ab horumdem usu intestinum adhuc permanferit inflatum, tantum de Peritonæo incidere oportet quantum opus habet id quod prolapsum est. P. *Ægineta* Lib. 6. Cap. 52.

(c) Mauricæau. Tom. 1, Cap. 4.

(d) Si vero ubi per tempus mansit putrefactum fuerit id quod procidit. (*uterus*) auferetur id citâ omnis periculi formidinem. Nam totum ablatum esse uterum putrefactum narrant, & tamen mulierem vixisse. P. *Ægineta* Lib. 3. Cap. 72.



immoderatum hunc sanguinis fluxum nullâ arte fore compescendum. His etiam natura benè provida videtur consuluisse. Quod in partu naturali, idem in Cæsareo accidet: Vasa uterina mammariis communicantia sanguine suo in mammas ad lactis fabricam, ex naturæ instituto, deplebuntur. Vasorum in Utero fauciatorum oscula supradictâ contractione constriungentur, minuentur, occludentur; (e) vasaque magis arcta plus resistent sanguini hùc deponendo. Tandem vulneris labra eâdem contractione in sese collapsa sanguinem è resectis vasis erumpentem mutuo contactu coercebunt.

His adde 1°. Longè abesse à Musculis incidendis nervos, aponevroses, tendines, & similes alias partes quæ possent spasmi periculum inducere. 2°. Peritonæum, etiamsi nervis ubique intertextum, absque omni convulsionis metu posse vulnerari, cum & in aliis operationibus feliciter abscindatur. 3°. Demùm Uterum, in dicto casu ab omni irritatione plerùmque immunem, tutiùs posse incidi, quàm vesicam v. g. quæ in calculosis, etiamsi calculi præsentia, aut urinæ morâ inflammata, quotidie tamen impunè inciditur. Jam nunc quæ ratiocinio demonstrata est operationis nostræ possibilitas, experienciâ confirmatur.

(e) Boerhaave Inst. Med. N°. 687.

## II I.

**N**ON sanè in rebus Medicis omni observationum generi credendum: nec tamen omnibus planè diffidendum. Non unus est, ut fateor, nugivendus.

Agyrta popularis auræ cupidus, qui scurriles quotidie fabulas peregrini mendacii colore fucatas stolidæ plebeculæ miraculis semper inhianti sesquipedalibus verbis declamare audeat; verum adfunt etiam viri, probitate nec non & sagacitate gravissimi, qui, mercatam veritatis pretio inanem gloriolam bene dedignant, ad publicam utilitatem seria conscripserunt. Inter illos imprimis omnem mendacii suspensionem videtur effugisse Fr. Rossetus de Partu Cæsareo probatæ fidei narrator. Non ille commentitias & affabrè confictas observationes, aut inconcinna delirantium anicularum somnia recitasse arguendus, (a) qui secandi artifices, sectas Matronas, earum viros, domicilia, sectionum tempus, annum, mensem, diemque scrupulosè designavit; idque imprimis inter invidos mordacium adversariorum dentes, quiquidem, si à verò vel tantillum declinasset, mendacem sanè nunquam desissent allatrare. At nè Rossetum solum sectionis Cæsareæ possibilitatem exemplis confirmasse credideris. Scatent authores, (b) iique spectatissimi, observationibus Operationi nostræ consonis, quas sigillatim enumerare longius foret & tædiosum. Quid plura? Nonne ob oculos habuimus nuper mulierem illam Parisiis degentem, quam, ob depravatam pusilli corporis conformationem, per vias naturæ dictas parere nunquam potuisse certum est: quam tamèn die Junii 7<sup>o</sup>. anni 1740. Cæsareâ uteri sectione, factu

(a) Rossetus de Partu Cæs. pag. 40.

(b) Authores qui cum Rosseto sectionis Cæsareæ exempla retulerunt, hi sunt præcipui; Gass. Bauhinus. Matthias Cornax. Schenkius. R. P.

Theop. Raynaudus Soc. Jesu Theologus. J. Ruleau Chirurgus Sanctonius. La Motte. Henr. Deventer. Hist. Reg. Scien. Acad. ann. 1730, &c.



cum matre superstite, liberatam fuisse nemo nescit. His omnibus satis, ut arbitror, stabilita mihi videtur sectionis nostræ possibilitas, ad illius necessitatem citò properamus.

## I V.

**T**OT mulieres trucidatas fuisse usquè dixerim, quot procelloso jactatas desperati partûs Oceano, ademptâ sacrâ salutis anchorâ, utero scilicet audacter non secto, forti suâ relictas fuisse audiero. Nec certè culpandus ille minùs qui inter acutos morientis cruciatus, consideratâ nimium prudentiâ timidus Tragædiæ sedet spectator otiosus, quam qui, præcipiti confidentia ferox, ac corde, ut ita dicam, ahæneo, ferratis semper manibus languentem præposterè frustra cruentaret. Est modus in rebus. Ast ubi semel accuratè deprehenso Partûs naturalis obice, matrem Operationi ferendæ haud imparè esse ritè cognitum est; jam ne quem intempestivè misericordem moveant tristes Lucinam advocantis hululatus, non, irritis conatibus frustra diù exagitata, vani dolores, sed, attentus naturæ minister, quod illa renuit exequi munus adimpleat ipsi vicarius, fugientesque animas, ex Orci faucibus eripere fortiter aggrediatur. At, insurget aliquis, ut quid tandèm dilcerptas sic mulieres lethali cruciatu frustra juvat excarnificari? Nonne adsunt præ manibus unci, forcipes, & alia centum id genus quibus demortuus utero fœtus extrahatur? Bene quidem! At vero quid proderunt tua illa à te tantoperè decantata Partûs difficilis adminicula, si fœtus sit hydrope v. g. ultrà modum tumidus, aut prægrandi capite donatus? Quid si gravidæ distor-

tis ossibus pelvis male conformata ? Si pudendum naturâ suâ solito arctius , vel annis induratum , & tantæ distractionis nescium ? Si tumore interno angustatum , aut cicatrice constrictum ? Quo jure vitæ hominum arbiter imprudens , in aurâs nitentem puerulum , antè ortum mori jubes , ac in ipso vitæ fonte sepeliri ? At tu , qui me tam iniquè carnificem vocas , quo te nomine possem appellare , si tibi fortè objicerem tot pueros impiâ cunctatione. absquè sacro Baptismatis lavacro interemptos ? Dilaniata tot fœtuum ( nonnumquàm vivorum ) membra , cum lacero sæpiùs parurientium utero frustulatim avulsa ? Tot deniquè barbarè extortas mulieres , & de médio improbè cum prole sublatas ? Ne te igitur pigeat raram quidem , sed optimam partui desperato , imò quandoque necessariam medelam agnoscere.

## V.

UT tamèn mentem luculentèr apèriam , observandum me non cuilibet indistinctè mulieri difficulter parienti Operationem meam imponere. At si nulla spes Partûs naturalis affulgeat , idque ex probe cognito ac insuperabili impèdimento , si sit aliundè mulier sat vegeta , nec diuturnâ nimis Partûs expectatione viribus omninò destituta , jam cunctari ridiculum , artique indecorum. Sic anî Fistulæ Opératio (a) prioribus Médicis usitatissima , & à Celso tam doctè descripta , sub finem sæculi proximè elapsi ægrè tantùm ac suspensâ manu , ex audaciæ ac solertiæ def-

(a) *Des Moyens de former de pursuits* | anno 1744 , in Scholâs Medicorum à  
*Chirurgiens. Oratio Publicè habita* | D. Ferret, hujus Academ. Professore.

fectu, tentata est. Cùm igitur audaces juvare Fortuna  
gestiat, ne nos, nostris patribus cognitionum numero  
ac doctrinæ sinceritate longè superiores, animo tantùm  
videamur impares. Ne Sectionem uteri Cæsaream,  
sæculo 16°. tanto plausu ac successu celebratam, ac  
in nostrâ etiã ætate nupèr quasi ex oblivione redi-  
vivam aggredi vereamur. Ne tandem Chirurgiam ad  
ultimam perfectionis suæ periodum perduxisse glorie-  
mur, nisi inventis eam adhuc magis ac magis quo-  
tidie illustremus. Multa quidè inventa: multa ta-  
mèn inveniendâ, quin & plura perficiendâ. Deniquè,  
ut ad Theseos meæ scopum revertar, maneat altâ  
mente infixum, inconcussum illud artis nostræ præ-  
ceptum; nempè in extremis ea semper omnia esse  
tentanda quæ possibilia sunt & necessaria: adeoque,  
cum Sectionem uteri Cæsaream, etiam in matre  
vivâ, possibilem esse ac necessariam hucusque evic-  
tum sit, mecum ultro concludendum,

*Ergò ubi Partus difficilis ac desperatus, tentanda, etiam  
in matre vivâ, Sectio uteri Cæsarea.*

#### DOMINI DOCTORES DISPUTATURI.

M. Ludovicus Pathiot.	M. Ludovicus - Renatus Marteau.	M. Ludovicus-Maria Pouffe, Eques & Censor Regius.
M. Franciscus Bidault.	M. Josephus Lallemant, Aidus Pras.	M. Antonius Casamajor, Censor Regius.
M. Joannes Claudius Munier, Consiliarius Medi- cus Regis ordinarius & domûs Regiæ invalido- rum.	M. Petrus Poissonnier, Scho- larum Professor, Profes- sor & Censor Regius, nec non Militarium Regis Nosocomiorum in Alsa- tiâ Medicus & Inspector Primarius.	M. Raymundus de la Ri- vière.

Proponerebat Parisiis, CLAUDIUS FRANCISCUS-GASPARDUS HUMBERT,  
Bisuntinus, Doctor Medicus Bisuntinensis, Saluberrimæ Facultatis  
Medicinæ Parisiensis Baccalaureus, A. R. S. H. 1760.  
à sextâ ad meridiem.

